

Iz ~~službenega~~ ~~knjige~~.

Tak su hodili dva lepi mladenci saki večer na prelo v jednu kuću. Zaljubi se saki v jednu devojku, a ove devojke takajše v ove mladenice. Jedna otkrije ljubav materi. Ova na to pozorna učinjena pita svoju ćer, je li ona toga mladenca pozna. Ona odgovori da ne zna odkuda je. Mati nji da navuk da pazi kakve zube njeni ljubovnik ima kaj pri smejanju naj ležese opaziti more. Na večer gda bi devojka odisla na prelo zeme svoju malu sestru sobom. No ljubovniki se ne su šteli poleg se šale nasmijati. Ve devojka skinu s preslice lan, zapali ga na sveći i hiti svoji drugi v križlo. Na ovo se ljubovnici nasmeju i pokaže se da železne zube imaju. Tak to devojka opazi vidi da je njeni ljubovnik Vukodlak. Da bi se mu zmeknula reče mu da mora dimo iti po lan ar nema kaj bi prela. On ju počne odgovarati, nu ona se ne da odgovoriti. Da ga pak ublaži ostavi svoj kožuh v zalogi. Zeme sestru svoju pak ide dimo. Pove materi kaj je videla i legne spat. Ve pričneju ljubovniki na jempu besniti. On koji je svoju devojku pri sebi imel rezdre ju i počne jesti. Ov pak naj prvo kožuh pojede, za tim odide i dojde na vrata gde je bila njegova

devojka pak počne lupati. Mati se iz sobe javi i  
pita: gdo je? Vukodlak odgovori, da je došél po svoju  
devojku, koju vezda sobum povesti mora, ar je vreme  
svator došlo, za to da mu samo vrata ~~otpre~~. Nu  
mati mu odgovori: dok kupi laneno seme. On opet: ot=  
pri. Mati: dok kupim zemlju. Vukodlak: otpri. Mati: dok  
poorjem zemlju. Vukodlak: otpri. Mati: dok lan posejem.  
Vukodlak: otpri. Mati: dok lan nikne. Vukodlak: ot=  
pri. Mati: dok lan oplejem. Vukodlak: otpri. Ma=  
ti: dok lan počupam. Vukodlak: otpri. Mati: dok lan  
nakislim. Vukodlak: ~~otpri~~, ar bum rezbil vrata.  
Mati: dok lan ogrebem. Vukodlak: otpri. Mati: dok  
lan stucem. To izrecé a pevca zapeva. Vukodlak čuje  
pevca pevati pa mora iti v groblje odkud je došél  
da se više nigdar ne povrati. Gda je drugi den jutro  
došlo najdeju v oni kuci gde su prele samo kosti  
od pojedene devojke. Vukodlak, gda se v grob spušća,  
se ga je menje, doklam same kosti ostaneju.

2